

**47. aukafundur sveitarstjórnar Langanesbyggðar, haldinn mánudaginn 12. mars 2012, kl. 12:00 á skrifstofu Langanesbyggðar á Þórshöfn.**

Mætt eru: Gunnólfur Lárusson, Indriði Þóroddsson, Steinunn Leósdóttir og Björn Guðmundur Björnsson sem tók þátt í fundinum í gegnum síma. Auk þess sat fundinn Helgi Mar Árnason sem ritaði fundargerð.

Indriði Þóroddsson, aldursforseti sveitarstjórnar, setti fundinn í fjarveru oddvita og varaoddvita, bauð fundarmenn velkomna og spurði hvort að gerðar væru athugasemdir við boðun fundarins. Svo var ekki.

Dagskrá:

**1. Byggðarkvóti.**

Sveitarstjóri lagði fram bréf frá sjávarútvegs- og landbúnaðarráðuneytinu, dags. 7. mars 2012, þar sem fram kemur að tillögum Langanesbyggðar um breytingar á reglugerð nr. 1182/2011 er varða úthlutun byggðakvóta á Bakkafirði er hafnað.

Sveitarstjórn Langanesbyggðar lýsir vonbrigðum sínum með ákvörðun ráðuneytisins, enda voru tillögurnar til þess fallnar að auka verðmæti byggðakvótans og stuðla að aukinni atvinnusköpun á Bakkafirði, og lagðar fram á grundvelli rökstuddra málefnalegra staðbundinna ástæðna, líkt og tilmæli sjávarútvegs- og landbúnaðarráðuneytisins í bréfi til Langanesbyggðar, dags. 21. desember, kveða á um.

Þá fordæmir sveitarstjórn Langanesbyggðar það hversu lengi sjávarútvegs- og landbúnaðarráðuneytið hefur haft tillögurnar til skoðunar og fer fram á að eftirleiðis liggja úthlutun byggðakvóta fyrir í upphafi hvers fiskveiðiárs.

Með tilliti til athugasemda sjávarútvegs- og landbúnaðarráðuneytisins samþykkir sveitarstjórn Langanesbyggðar eftirfarandi viðauka á reglugerð nr. 1182/2011, um úthlutun byggðakvóta til fiskiskipa á fiskiveiðiarinu 2011/2012, er varða úthlutun aflamarks á Bakkafirði:

- a. Aftast í 1. mgr. 6. gr. bætist eftirfarandi: „Þó er heimilt að landa grásleppu (hvelju/búk/hrognum) til vinnslu innan sveitarfélagsins á ofangreindu tímabili.“

**Greinargerð:**

Þar sem ekki verða unnar grásleppuafurðir á Bakkafirði á komandi grásleppuvertíð, telur sveitarstjórn Langanesbyggðar rétt að gera fiskiskipum frá Bakkafirði það kleyft að landa grásleppuafurðum til vinnslu innan sveitarfélagsins og njóta þannig landaðs grásleppuafla í viðmiðun við skiptingu byggðakvótans.

Jafnframt er áréttað að Langanesbyggð sækist ekki eftir undanþágu fá ákvæði 6. gr. reglugerðarinnar, um tvöföldun þess aflamarks sem þau fá úthlutað, enda er það mat sveitarstjórnar, og ráðuneytisins, að þeir bátar sem skráðir eru á Bakkafirði 1.

desember 2011 hafi nægjanlega sóknargetu og aflaheimildir til þess að veiða og landa tvöföldu magni byggðakvótans til vinnslu á Bakkafirði.

Tillögur um breytingar á úthlutunarreglum vegna byggðakvóta Þórshafnar eru óbreyttar, enda hefur ráðuneytið fallist á þær.

Óskað er eftir því að ráðuneytið auglýsi eftir umsóknum í byggðakvóta Bakkafjarðar og Þórshafnar eins fljótt og auðið er.

*Samþykkt samhljóða.*

Fundargerðin upplesin of samþykkt. Fleira ekki gert og fundi slitið kl. 12.40.